

大日經卷第六

大毗盧遮那成佛神變加持經卷第六

受方便學處品第十八



尔時執金對秘密主白佛言世尊願說諸菩薩摩訶薩等具智慧方便所修學句令歸依者於諸菩薩摩訶薩無有二意離疑惑心於生死流轉中常不可壞如是說已毗盧遮那



世尊以如來眼觀一切法果告執金毘秘密
主言諦聽金毘手今說善巧修行道若菩薩
摩訶薩住於此者當於大乘而得通達秘密
主菩薩持不奪生命戒所不應為持不與取
及欲邪行虛誑語麤惡語兩舌語無義語戒
貪欲瞋恚邪見等皆不應作秘密主如是所
修學句菩薩隨所修學則與正覺世尊及諸
菩薩同行應如是學

尔時執金毘秘密主白佛言世尊薄伽梵於
聲聞乘亦說如是十善業道世間人民及諸
外道亦於十善業道常類修行世尊彼有何
差別云何種種殊異如是說已佛告執金毘

秘密主言善哉善哉秘密主汝復善哉能問
如來如是義秘密主應當諦聽吾今演說差
別道一道法門秘密主若聲聞乘學處我說
離慧方便教令成就開發邊智非等行十善
業道彼諸世間復離執著我故他因所轉菩
薩修行大乘入一切法平等攝受智慧方便
自他俱故諸所作轉是故秘密主菩薩於此
攝智方便入一切法平等當勤修學
尔時世尊復以大慈悲眼觀察諸衆生果告
金對手菩薩言秘密主彼諸菩薩盡形壽持
不奪生命戒應捨刀杖離殺害意護他壽命
猶如已身有餘方便於諸衆生類中隨其事

業為解脫彼惡業報故有所施作非怨害心
復次秘密主菩薩持不與取戒若他所攝諸
受用物不起觸取之心況復餘物不與而取
有餘方便見諸衆生慳怯積聚不修施福隨
其像類害彼慳故離於自他為彼行施因讚
時施獲妙色等秘密主若菩薩發起貪心而
觸取之是菩薩退菩提分越無為毗奈耶法
復次秘密主菩薩持不邪婬戒若他所攝自
妻自種族標相所護不發貪心況復非道二
身交會有餘方便隨所應度攝護衆生

復次秘密主菩薩盡形壽持不妄語戒設為
活命因緣不應妄語即為欺誑諸佛菩提秘

密主是名菩薩住於最上大乘若妄語者越
失佛菩提法是故秘密主此法門應如是知
捨離不真實語

復次秘密主菩薩受持不履惡罵戒應當以
柔軟心語隨類言辭攝受諸衆生等何以故
秘密主菩提薩埵初行利樂衆生或餘菩薩
見住惡趣因者為折伏之而現麁語

復次秘密主菩薩受持不兩舌語戒離間隙
語離惱害語犯者非名菩薩不於衆生起離
垢之心有異方便若彼衆生隨所見處生著
如其像類說離間言語令住於一道所謂一
切智智道

復次秘密主菩薩持不綺語戒以隨類言辭
時方和合出生義利令一切衆生發歡喜心
淨耳根道何以故菩薩有差別語故或餘菩
薩以戲笑為先發起衆生欲樂令住佛法雖
具出無義利語如是菩薩不著生死流轉

復次秘密主菩薩應當持不貪戒於彼受用
他物中不起染思何以故無有菩薩生著心
故若菩薩心有染思彼於一切智門無力而
墮一邊又秘密主菩薩應發起歡喜生如是
心我所應作令彼自然而生極為善哉數自
慶慰勿令彼諸衆生損失資財故

復次秘密主菩薩應當持不瞋戒遍一切處

常修安忍不著瞋喜於怨及親其心平等而
轉何以故非菩提薩埵而懷惡意所以者何
以菩薩本性清淨故是故秘密主菩薩應持
不瞋恚戒

復次秘密主菩薩應當捨離邪見行於正見
怖畏他世無害無曲無諂其心端直於佛法
僧心得決定是故秘密主邪見最為極大過
失能斷菩薩一切善根是為一切諸不善法
之母是故秘密主下至戲笑亦當不起邪見
因緣

余時執金剛秘密主白佛言世尊願說十善
道戒斷極根斷去何菩薩王位自在處於官

殿父母妻子眷屬圍繞受天妙樂而不生過
如是說已佛告執金對言善哉善哉祕密主
汝當諦聽善思念之吾今演說菩薩毗尼次
定善巧祕密主應知菩薩有二種云何為二
所謂在家出家祕密主彼在家菩薩受持五
戒句勢位自在以種種方便道隨順時方自
在攝受求一切智所謂具足方便示現舞伎
天祠主等種種藝處隨彼彼方便以四攝法
攝取衆生皆使志求阿耨多羅三藐三菩提
謂持不殺生命戒及不與取虛妄語欲邪行
邪見等是名在家五戒句菩薩受持如所說
善戒應具諦信當勤修學隨順往昔諸如來

學處住有為戒具足智慧方便得至如來無
上吉祥無為戒蘊有四種根本罪乃至活命
因緣亦不應犯云何為四謂謗諸法捨離善
提心慳恡惱害衆生所以者何此性是深非
持菩薩戒何以故

過去諸正覺及與未來世現在人中尊具足智方便
修行無上覺得無漏悉地亦說餘學處離於方便智
當知大勤勇誘進諸聲聞

說百字生品第十九

今時毗盧遮那世尊觀察諸大會衆說不空
教隨樂欲成就一切真言自在真言之王真
言導師大威德者安住三三昧耶圓滿三法

故以妙音聲告大力金對手言勤勇士一心
諦聽諸真言真言導師即時住於智生三昧
而說出生種種巧智百光遍照真言曰
南麼三曼多勃馱喃暗

佛告金對手此一切真言真言救世者成就大威德
即是正等覺法自在牟尼破諸無智暗如日輪普現
是我之自體大牟尼加持利益衆生故應化作神變
乃至令一切隨思願生起悉能為施作神變無上句
故當一切種淨身離諸垢應理常勤修志願佛菩提
百字果相應品第二十

余時毗盧遮那世尊告執金對秘密主言秘
密主若入大覺世尊大智灌頂地自見住於

三三昧耶句秘密主入薄伽梵大智灌頂印
以陀羅尼形示現佛事今時大覺世尊隨住
一切諸衆生前施作佛事演說三三昧耶句
佛言秘密主觀我語輪境界廣長遍至無量
世界清淨門如其本性表亦隨類法界門令
一切衆生皆得歡喜亦如今者釋迦牟尼世
尊流遍無盡虛空界於諸刹土勤作佛事秘
密主非諸有情能知世尊是語輪相流出正
覺妙音莊嚴瓔珞從胎藏生佛之影像隨衆
生性欲令發歡喜今時世尊於無量世界海
門遍法界愍懃勸發成就菩提出生普賢菩
薩行願於此妙華布地胎藏莊嚴世界種性

海中受生以種種性清淨門津除佛刹現菩
提場而住佛事次復志求三藐三菩提句以
知心無量故知身無量知身無量故知智無
量知智無量故即知衆生無量知衆生無量
故即知虛空界無量秘密主由心無量故得
四種無量得已成最正覺具十智力降伏四
魔以無所畏而師子吼佛說偈言

勤勇此一切無上覺者句於百門學處諸佛所說心
百字位成品第三十一

今時執金對秘密主得未曾有而說偈言

佛說真言救世者

能生一切諸真言

摩訶牟尼云何知

誰能知此從何處

誰生如是諸真言

生者為誰唯演說

大勤勇士說中上

如此一切顛開示

余時薄伽梵法自在牟尼圓滿普周遍悉遍諸世界
一切智慧者大日尊告言善哉摩訶薩大德金對乎
吾當一切說微密最希有諸佛之秘要外道不能知
若悲生湯荼得大乘灌頂調柔具善行常悲利他者
有緣觀菩提常所不能見彼能有知此內心之大我
隨其自心位道諦所住處八葉從意生蓮華極嚴麗
圓滿月輪中無垢猶淨鏡於彼常安住真言救世尊
金色具光焰住三昧害毒如日難可觀諸衆生忽然
常恒於內外普周遍加持以如是慧眼了知意明鏡
真言者慧眼觀是圓鏡故當見自形色寂然心覺相

身身生影像意從意所生常出生清淨種種自作業
次放彼光現圓照如電焰真言者能作一切諸佛事
若見成清淨聞等亦復然如意所思念能作諸事業
復次秘密主真言門修菩薩行諸菩薩如是
自身影像生起無有殊勝過三菩提如眼耳
鼻舌身意等四大種攝持集聚彼如是自性
空唯有名字所執猶如虛空無所執著等於
影像彼如來成正覺牙相緣起無有間絕若
從緣生彼即如影像生是故諸本尊即我我
即本尊牙相發起身所生身尊形像生秘密
主觀是法緣通達惠通達惠緣法彼等遍為
作業無住性空秘密主云何從意生意能生

影像秘密主譬如若白若黃若赤作意者作

時染著意生彼同類如是身轉秘密主又如

內觀意中湯荼羅療治熱病彼衆生熱病即

時除愈無有疑惑非湯荼羅異意非意異湯

荼羅何以故彼湯荼羅一相故秘密主又如

幻者幻作男子而彼男子又復作化秘密主

於意云何彼何者為昧時金對手白佛言世

尊此二人者無相異也何以故世尊非實生

故是二男子本性空故等同於幻如是秘密

主意生衆事及意所生如是俱空無二無別

百字成就持誦品第二十二

今時世尊告執金對秘密主言諦聽秘密主

真言救世者身身無有異分意從意生令善
淨除普皆有光彼處流出相應而起遍諸支
分彼愚夫類常所不知不達此道乃至身所
生分無量種故如是真言救世者分說亦無
量譬如吉祥真陀摩及隨諸樂欲而作饒益
如是世間照世者身一切義利無所不成秘
密主云何無分別法界一切作業隨轉秘密
主亦如虛空界非衆生非壽者非摩奴闍非
摩納婆非作者非吠陀非能執非所執離一
切分別及無分別而彼無盡衆生界一切去
來諸有所作不生疑心如無分別一切智
智等同虛空於一切衆生內外而轉

介時世尊又復宣說淨除無盡衆生界句流出三昧句不思議句轉他門句

若本無所有隨順世間生云何了知空生此瑜伽者若自性如是覺名不可得當等空心生所謂菩提心應發起慈悲隨順諸世間住於唯想行是即名諸佛當知想造立觀此為空空如下數法轉增一而分異勤勇空忽然增長隨次第即此阿字等自然知加持阿娑縛迦佉我伽遮車若社毘宅拏荼多他那馱波頗摩娑野羅邏縛奢沙娑訶乞灑仰壤拏曩莽

秘密主觀此空中流散假立阿字之所加持成就三昧道秘密主如是阿字住於種種莊

嚴布列圖位以一切法本不生故顯示自取
或以不可得義現縛字形或諸法遠離造作
故現迦字形或一切法等虛空故現佉字形
或行不可得故現戩字形或諸法一合相不
可得故現伽字形或一切法離生滅故現遮
字形或一切法法無影像故現車字形或一
切法生不可得故現若字形或一切法離戰
敵故現社上聲字形或一切法離我慢故現
叱字形或一切法離養育故現宅字形或一
切法離怨對故現拏字形或一切法離災變
故現荼字形或一切法離如如故現多字形
或一切法離住處故現他字形或一切法離

施故現那字形或一切法果不可得故現隨
字形或一切法勝義諦不可得故現波字形
或諸法不堅如聚沫故現頗字形或一切法
離繫縛故現麼字形或一切法諸觀不可得
故現婆字形或一切法諸乘不可得故現野
字形或一切法離一切塵故現羅字形或一
切法無相故現邏字形或一切法離言說故
現躡字形或一切法離寂故現奢字形或一
切法本性鈍故現沙字形或一切法諦不可
得故現婆字形或一切法離因故現訶字形
秘密主隨入此等一一三昧門秘密主觀是
乃至三十二大人相等皆從此中出仰壞偉

曩昔等於一切法自在而轉此等隨現成就
三藐三佛陀隨形好

百字真言法品第二十三

復次秘密主於此三昧門以空加持於一切
法自在成就最心覺是故此字即為本尊而
說偈言

秘密主當知阿字第一句明法普周遍字輪以圍繞
彼尊無有相遠離諸見相無相衆聖尊而現相中來
聲從於字出字生於真言真言成立果諸救世尊說
當知聲性空即空所造作一切衆生類如言而妄執
非空亦非聲為修行者說入於聲解脫即證三摩地
依法布相應以字為照明故阿字等類無量真言想

說菩提性品第二十四

譬如十方虛空相

常遍一切無所依

如是真言救世者

於一切法無所依

又如空中諸色像

雖可現見無依處

真言救世者亦然

非彼諸法所依處

世間成立虛空量

遠離去來現在世

若見真言救世者

亦復出過三世法

唯任於名趣

遠離作者等虛空衆假名道師所宣說

名字無所依亦復如虛空真言自在然現見離言說

非火水風等非地非日光非月等衆曜非晝亦非夜

非生非老病非死非損傷非剎那持分亦非年歲等

亦非有成壞劫數不可得非淨染受生或果亦不生

若無如是等種種世分別於彼常勤修求一切智句
三三昧耶品第二十五

尔時執金罽秘密主白佛言世尊所說三三
昧耶云何說此法為三三昧耶如是言已世
尊告執金罽秘密主言善哉善哉秘密主汝
問吾如是義秘密主汝當諦聽善思念之吾
今演說金罽之言如是世尊願樂欲聞佛言
有三種法相續除障相應生名三三昧耶云
何彼法相續生所謂初心不觀自性從此發
慧如實智生離無盡分別網是名第二心菩
提相無分別正等覺句秘密主彼如實見已
觀察無盡衆生界悲自在轉無緣觀菩提心

生所謂離一切戲論安置衆生皆令住於無相菩提是名三三昧耶句

復次秘密主有三三昧耶最初正覺心第二名為法彼心相續生所謂和合僧此三三昧耶諸佛導師說若住此三等修行菩提行諸道門上首為利諸衆生當得成菩提三身自在轉

秘密主三藐三佛陀安立教故以一身加持所謂初變化身復次秘密主次於一身示現三種所謂佛法僧復次秘密主從此成立說三種乘廣作佛事現般涅槃成熟衆生秘密主觀彼諸真言門修菩提行諸菩薩若解三等於真言法則而作成就彼不著一切妄執

無能為障礙者除不樂欲懈怠無利談話不生信心積集資財者復應不作二事謂飲諸酒及寢牀上

說如來品第二十六

尔時執金罽秘密主白世尊言

云何為如來云何人中尊云何名菩薩云何為正覺
導師大牟尼願斷我所疑菩薩大名稱棄捨疑慮心
當修摩訶衍行王無有上

尔時薄伽梵毗盧遮那觀察諸大會眾告執
金罽秘密主言善哉善哉金罽手能問吾知
是義秘密主汝當諦聽善思念之吾今演說

摩訶衍道頌曰

菩提虛空相離一切分別樂求彼菩提名菩提薩埵
成就十地等自在善通達諸法空如幻知此一切同
解諸世間趣故名為正覺法如虛空相無二唯一相
成佛十智力故号三菩提唯慧無明自性離言說
自證之智慧故說名如來

世出世護摩法品第二十七

復次秘密主往昔一時我為甚甚薩行菩薩行
住於梵世時有梵天來問我言大梵我等欲
知火有幾種時我如是答言

所謂大梵天名我憍自然次大梵天子彼名毘躡句
世間之火初其子名梵斂子名畢怛羅吹濕婆捺羅
復生訶躡奴合毗躡訶那毘說三鼻觀及阿闍未拏

彼子鉢體多補色迦路陶如是諸火天次薰以相生
復次置胎藏用忙路多火欲後澡盥身躡訶怛囊火
浴妻之所用以曹葉盧火若生子之後用鉢伽蒲火
為子初立名用鞞體無火飲食時所用當知忒脂火
為子作髻時應用殺毗火次受禁戒時三謨婆嚩火
禁滿施牛時用素哩邪火童子婚媾時以瑜赭迦火
造作眾事業跋那易迦火供養諸天神以鞞躡句火
造房以梵火惠施扇都火縛羊之所用阿縛賀寧火
觸穢之所用以微吠脂火熟食之所用以淫訶婆火
拜日天時用合微誓那火拜月天時用所謂你地火
滿燒之所用阿密栗多火彼於息災時用那嚕擊火
作增益法時訖栗且多火降伏怨對時當以忿怒火

石搨諸寶財用迦摩奴火若焚燒林木應用使者火
所食令消化用社咤路火若授諸火時所謂薄及火
海中有火名縛拏婆自佉劫燒盡時火名曰瑜亂多
為汝諸仁者已略說諸火修習事隨者梵行所傳讀
此四千四種今時我宣說復次秘密主我於往昔時
不知諸火性作諸護摩事彼非護摩行非能成業果
我復成菩提演說十二火智火最為初名大因陀羅
端嚴淨金相增益施威力焰鬘住三昧當知智圓滿
第二名行滿普光秋月華吉祥圓輪中珠鬘鮮白衣
第三摩嚕多黑色風燥形第四盧醯多色如朝日暉
第五波栗拏多鬘淺黃色脩頸大威光遍一切哀愍
第六名忿怒眇目罪煙色聳髮而震吼大力現四牙

第七闍叱羅迅疾倫衆綵第八近灑耶猶如電光聚

第九多意生大勢巧色身第十羯羅微赤果唵字印

第十一火神梵本闕名十二謨賀那衆生所迷惑

秘密主毘等火色之所持隨其首形色藥物等同彼

而作外護摩隨意成悉地復次於內心一性而具三

三處合為一瑜祇內護摩大慈大悲心是謂息災法

彼兼具於喜是為增益法忿怒從胎藏而造衆事業

又彼秘密主如其所說處隨相應事業隨信解焚燒

余時金對手白佛言世尊云何火爐三摩地

云何而用散灑云何順敷吉祥草云何具緣

衆物如是說已

余時金對手白佛言世尊云何火爐定云何用散灑

順敷吉祥草云何具衆物佛告秘密主持金對者言
火爐如肘重四方相均等四莖為緣界周巾金對印
藉之以生茅繞爐而右旋不以末加本應以本加末
次持吉祥草依法而右灑以塗香華燈次獻於火天
行人以一華供養沒栗荼安置於座位復當用灌灑
應當是滿施持以本真言次息災護摩或以增益法
如是世護摩說名為外事復次內護摩滅除於業生
了知自未那遠離色聲等眼耳鼻舌身及與語意業
皆悉從心起依止於心王眼等分別生及色等境界
智慧未生障風燥火能滅燒除妄分別成淨菩提心
與名內護摩為諸菩薩說

說本尊三昧品第二十八

尔時執金對秘密主白佛言世尊願說諸尊
色像威驗現前令真言門修菩薩行諸菩薩
觀緣本尊形故即本尊身以為自身無有疑
惑而得悉地如是說已佛告執金對秘密主
言善哉善哉秘密主汝能問吾如是義善哉
諦聽極善作意吾今演說金對手言如是世
尊願樂欲聞佛言秘密主諸尊有三種身所
謂字印形像彼字有二種謂聲及菩提心中
有二種所謂有形無形本尊之身亦有二種
所謂清淨非清淨彼證淨身離一切相非淨
有想之身則有顯形衆色彼二種尊形成就
二種事有想故成就有相悉地無想故隨生

無相悉地而說偈言

佛說有想故樂欲成有相以住無想故獲無相悉地
是故一切種當住於非想

說無相三昧品第二十九

復次薄伽梵毗盧遮那告執金對秘密主言
秘密主彼真言門修菩薩行諸菩薩樂欲成

就無相三昧當如是思惟想從何生為自身
耶自心意耶若從身生身如草木瓦石自性
如是離於造作無所識知因業所生應當等
觀同於外事又如造立形像非火非水非刀
非毒非金對等之所傷壞或忿恚嚴語而能
少分令其動作若以飲食衣服塗香華鬘或

以塗香旃檀龍腦如是等類種種殊勝受用
之具諸天世人奉事供給亦不生喜何以故
愚童凡夫於自性空形像自我分生顛倒不
實起諸分別或復供養或加毀害秘密主當
如是住脩身念觀察性空

復次秘密主心無自性離一切想故當思惟
性空秘密主心於三時求不可得以過三世
故如是自性遠離諸相秘密主有心想者即
是愚童凡夫之所分別由不了知有如是等
虛妄橫計如彼不實不生當如是思念秘密
主此真言門修菩薩行諸菩薩證得無相三
昧由住無相三昧故如來所說真語親對其

入常現在前

世出世持誦品第三十

復次秘密主今說秘密持真言法

一一諸真言作心意念誦出入息為二常第一相應
異此而受持真言關支分內與外相應我說有四種
彼世間念誦有所緣相續住種子字句或心隨本尊
故說有攀緣出入息為上當知出世心遠離於諸字
自尊為一相無二無取著不壞意色像勿異於法則
所說三落又多種持真言乃至眾罪除真言者清淨
如念誦數量勿異如是教

囑累品第三十一

尔時世尊告一切眾會言汝今應當住不放

逸於此法門若不知根性不應授與他人除
我弟子具標相者我今演說汝等當一心聽
若於吉祥執宿時生志求勝事有微細慧常
念恩德生渴仰心聞法歡喜而往其相青白
或白色廣首長頸額廣平正其鼻脩直面醜
圓滿端嚴相稱如是佛子應當懇懃而教授
之余時一切具威德者咸懷慶悅聞已頂受
一心奉持是諸衆會以種種莊嚴廣大供養
已誓首佛足恭敬合掌而說是言惟願於此
法教演說救世加持句令法眼道遍一切處
久住世間余時世尊於此法門說加持句真

言曰

南麼三曼多勃馱喃一薩婆他引勝勝二怛

鞞二合怛鞞三二合顛顛四達隣達隣五娑他二引

合跛也娑他引二跛也六勃馱薩底也二合躡

七引餅達摩薩底也二合躡八引僧伽薩底也二合躡

九引餅餅十吠那尾吠十一莎訶

時佛說此經已一切持金對者及普賢等上

首諸菩薩聞佛所說皆大歡喜信受奉行

開板頌主金剛覺增

大毗盧遮那成佛神變加持經卷第六

110X
18
7